


醫便續集

下

漢書門	
三	四
一	九
六	一
九	七
冊架	函號類

內閣文庫	
三	四
一	九
六	一
九	七
函架	冊號類

內閣文庫	
番號	漢 12497
冊數	6 (5)
函號	301 77



醫便續集卷三

調經

婦人之病四時六淫所感七情所傷悉與男子治法同
 異者血病耳多因經脉失於調理胎產不善保護至有崩
 漏帶下墮胎難產之患大槩以經候如期為安或有愆期
 即生病也 經水過期而來色淡有水以混之者氣血虛
 也宜順氣養血為主未及期而來紫色者血熱也黑者熱
 之甚也清火養血為主經行成塊者血凝氣滯也將行作
 痛者血滯也皆調氣養血為主飲食勞役損傷脾胃以致
 血少而經水不行者宜養血調脾為主或七情六氣傷

致經絡痺滯而經水不行者、審所感之症而治之、或素怯弱、致經絡涸竭而經水不行者、宜順氣養血、調脾爲主、脾旺則能生血而經水自行矣。

調血養榮湯 治氣多血少

當歸 芍藥 各二錢 川芎 一錢有火上 木香 一分

茯苓 一錢二分 白豆仁 一錢

氣不順加陳皮香附砂仁 欲清氣加黃連 欲削氣

加檳榔青皮 欲清腑加木通澤瀉麥門冬 潮熱加

牡丹皮山梔子柴胡 脾虛加參朮 食加山查神麩

心熱加生地麥門冬

四製香附丸 治婦人調氣爲主

香附一斤 好酒童便醋鹽水各浸七日焙乾用

右爲末醋糊丸如小豆大酒下三錢

加減四物湯 治婦人養血爲主

當歸 川芎 地黃 芍藥

氣不順加木香陳皮砂仁 內熱加黃芩知母柴胡痰

加貝母茯苓 經不行加紅花桃仁 經行腹痛加玄

胡索丹參肉桂山查 小腹結塊痛加三稜蓬朮肉桂

玄胡青皮紅花 血枯經閉加參朮甘草紅花香附

不及期而來加阿膠條芩丹皮香附 過期而來加人

參白朮陳皮茯苓 肥人過期不來加二陳湯 經水

過多加條芩炒黑荆芥阿膠丹皮生地炮薑續斷 經

水色淡如黃漿乃脾胃中有痰加二陳湯加生地倉朮

經水如塵烟色加荆芥穗 經水如豆汁乃經絡中

有風熱加黃岑黃連荆芥防風 腸冷腹痛加乾薑玄

胡索肉桂 加味益母丸 治經中諸般奇症及赤白帶下

益母草 五月採陰乾 當歸 四川芎 三砂仁 二

蜜丸如彈子大每用二丸童便和酒或白湯下

通經丸

大黃 四兩酒 香附 四兩 醋浸

共為末好醋熬成膏丸如梧子大每用二錢好酒下

治經阻血塊痛

大黃 四兩分作四分一分酒煮曬一分醋煮曬一分童

次當歸地黃 各一兩 煎汁煮糊丸梧子大每用五六十

丸用紅花小回香煎湯送下

艾附丸 調經

香附 一斤一半酒浸七日 淨艾 四兩同香附用好醋五

本州芎當歸 各一兩 生地黄芍藥 各二兩

右為末醋糊丸梧子大空心醋湯下三錢

加味四物丸 治婦人身軀肥壯脂膏閉塞子宮而不孕者久服受孕

生地 川芎 芍藥 當歸 各二兩 貝母 一兩 香附 入兩

前 砂仁 二兩 赤白茯苓 各一兩 赤白參 二兩 枳殼 二兩 條芩

一兩 玄胡索 一兩

為末煉蜜丸如桐子大每服三錢空心白湯下

崩漏

內經曰陰虛陽搏為崩 條然暴下 漏 淋漓不斷 若將息失

宜喜怒不常勞役過度大傷於肝肝為血之府傷之則不

能藏血而為崩中漏下 或因脾胃氣虛下陷於腎與相

火相合濕熱下迫而致者宜調脾養血為主 或悲思憂

恐太甚陽氣內動真陰乃虛不能鎮守胞絡相火故血走

而崩者宜養血安神為主 或大小產新瘥遠觸房事皆

作崩中漏下之疾 或經水未絕慾熾而傷血海為崩漏

者皆宜養血為主守靜為上

加減四物湯

當歸 川芎 芍藥 地黃 艾 阿膠 香附
丹皮 薑 水煎服

如不止加地榆續斷炒黑荆芥 氣虛加參朮黃芪升
麻寒加炮薑血熱加芩連山梔 思慮傷心用歸脾湯
加阿膠續斷 氣血兩虛用十全大補湯加黑薑阿膠
甚則加附子 脾胃虛不能統血歸經用補中益氣湯
加阿膠又參苓白朮散

八灰散 治血崩

蓮房 舊棕 乾薑 人髮 芍藥 栢葉 艾
歸頭 各煆存性 等分

右爲末醋糊丸如桐子大空心白湯下二錢如久不止
用十全大補湯加阿膠水煎送下

治熱崩

條芩 八兩炒 黑存性 爲末飯丸空心米湯下二錢

帶下

穢液常流謂之帶下

白屬氣赤屬血皆濕熱為病熱氣屈結於腸中而帶下也
有胃中積痰流下滲入膀胱者有脾胃氣虛不能約制
其水者有因內慾過度或勞力內熱者肥人多是濕
痰瘦人少此如有是熱也治法以辛苦寒涼之藥使微者
甚者皆得鬱結開通濕去燥除熱散氣和而愈二陳湯加
二朮升麻柴胡荆芥白葵花芍藥黃栢附米熱加黃連
血虛加當歸赤帶加生地氣虛加參朮
歸膠丸治赤白帶下

當歸身阿膠

炒成珠

赤芍

熟地

白芍

牡蠣煨

續斷

各二兩

地榆

一兩

丹皮

一兩

白芷

炒一兩

為末醋糊丸如梧子大每服五十九丸空心米湯下

白芷散 治同前

白芷

炒一兩

海螵蛸

二箇

胎髮灰

一箇

右為末空心好酒調下二錢

柴胡湯 治久崩後白帶不止

柴胡

甘草

人參

炮薑

陳皮

黃芩

白朮

花

郁李仁

水煎服食物壓之

養榮丸

治婦人月水不調赤白帶下血虛發熱

生地

一斤剉

當歸

十兩

川芎

芍藥

條芩

丹皮

丹參

白朮

續斷

各六兩

香附

一斤半童便

半醋浸炒

右為末煉蜜丸如桐子大每服三錢空心白湯下

加砂仁

四兩

亦妙

子嗣

內經曰陰搏陽別謂之有子是謂血氣和平則陽施而陰化也。蓋夫婦猶天地然天地之道陰陽和而後萬物育。夫婦之道陰陽和而後男女生。欲求嗣者男先清心寡慾。次調婦之經脉。經脉既調則氣血和平而有娠矣。若肥盛婦人不成胎者。軀脂滿溢閉塞子宮不能受精而施化也。宜行濕燥痰之劑。若怯瘦性急婦人不成胎者。子宮乾澁。血少不能攝受精氣。宜養血滋陰為主。若經水不調。宜調經使准。俟月水方絕。金水纔生。此時子宮正開。乃受精結胎之候。如月候方經。三日五日交會者。成男。二日四日

六日交會者成女。過此則子宮閉而不孕矣。又曰：陰血先至，陽精後衝，乃血開，裹精而男形成。陽精先至，陰血後參，乃精開，裹血而女形成。成形之後，一月如珠露，慎宜保養。若再一會，其胎即散，無嗣者當思無後為大，無自恣也。

種子之道有四：一曰擇地，二曰養種，上三曰乘時，四曰投虛。地則母之血也，種則父之精也。時則兩情交媾之時，虛則去舊生新之初也。苟暗於此，使陰失其道而氣盛血衰，衰則寒熱乘之，氣凝血滯，榮衛不和，經水先後，多寡不一，而陰不能受，陽失其道而氣虛精弱，弱則原於色慾過度，耗其精元，精元既耗，譬之射者力微，矢枉安能中的，而陽

不能施，陰涸陽枯，生生之道息矣。欲多男者，必夫婦自相保守，而又資以藥餌之力，示以調攝之宜，候以如期之法，果得經調精養，尚何不孕之足慮哉！此歷試歷驗，百發百中者。然受孕後，又當戒慾，不知自慎，而慾火一動，則子宮復開，以致淫火爍胎，不惟多致半產漏下，即生子亦多毒夭傷。世人多慾，往往蹈此，尤宜戒之。

種子三益膏 治少年斷喪真元，虛損中年無子，婦人血虛不孕。此方一料，夫婦齊服，服盡即孕，如婦人經准氣血壯而無病者，不宜服。

肉苁蓉 酒洗去浮甲 何首烏 用竹刀切，黑豆上九蒸九晒 淮生地 切片酒蒸



九 山茱萸肉 枸杞子 沙苑蒺藜 真者炒香 去沙土 覆盆子

酒浸一宿搗 杜仲 去皮鹽酒 炒斷絲 麥門冬 去心各 四兩 栢子 去

白茯苓 去皮為末 人乳拌晒 川牛膝 與何首烏同 蒸各二兩 補骨脂 水炒

右俱淨末用新鮮紫河車 一具頭胎者佳以白 酒洗淨夾凝煮爛 搗和煎

末龜膠鹿角膠 各八兩以 酒化開 同前藥和勻 如乾 加蜜 九如梧子

大每服三錢好酒送下氣虛加人參 二兩 忌葱蒜蘿蔔煎

燂等物合時宜二三九十月淨室精修勿令婦人鷄犬

見之余與蘭亭俱年五十無子服此一料俱育三子傳

方與人無不應効間有不應者皆由不善保養故也

胎前

胎前得氣血和平百病不生。若氣旺而熱熱則耗血而胎不安。當清熱養血為主。若能早絕嗜慾安養胎氣起居飲食調養得宜則胎育自安。若傷感別症皆以安胎為主。當按症兼治。不可汗吐下。不可利小便。故曰胎前不損子。又云安胎之法有二。因母病以致動胎者。但療母則胎自安。或胎氣不固觸動以致母病者。宜安胎而母自愈。安胎散

當歸 川芎 芍藥 熟地黄 人參 白朮

陳皮 甘草 紫蘇 砂仁 條芩

胎脹加大腹皮香附枳殼 小水短少加茯苓車前子
通草 痰加貝母去地黃 嘔惡加半夏藿香
當歸散 娠婦常宜服之

當歸 川芎 芍藥 條芩 各二兩 白朮 一兩

右為末酒糊丸桐子大每服五十九丸白湯下
固胎丸 受孕三四月用之以防墮胎

杜仲 半斤姜汁煮炒 續斷 二兩酒浸炒

右為末棗肉丸如梧子大空心米湯下五十九丸

天仙藤飲 治娠姪三月兩足腫至膝

天仙藤 即青木香藤炒 陳皮 香附 甘草 烏藥 木香

蘇葉 生薑 三片 水煎服

人參竹茹飲 治娠姪二三月惡食作吐倦怠嗜臥此病

不宜多服藥三月後自止

人參 五分 陳皮 二錢 竹茹 一團姜汁炒 茯苓 一錢 薑片 一 水煎服

治娠婦遺尿失禁

白薇 炒 白芍藥 炒各等分

右為末每用二錢空心酒調每日三服

治娠婦二三月時嘔吐惡聞食氣

六君子湯加砂仁薑棗

治胎漏淋瀝不已及月經妄行

當歸酒浸 桑寄生 川續斷 川芎 白朮 香附

人參 阿膠 茯苓 甘草 水煎服

治娠婦小便澁少淋瀝作痛

麥門 通草 赤茯苓 當歸 燈心 甘草

條芩 芍藥 細辛 水煎服

治面目四肢浮腫

白朮 茯苓 生薑皮 大腹皮 陳皮各一兩

右爲末每服二錢空心米湯調下

又方 四物四苓加條芩山梔車前子

治胎前心腹痛胎痛不安

砂仁不拘多少爲末每用一七溫酒調下

治胎因火動逆上喘急

條芩 香附等分爲末白湯下三錢

治娠婦心煩熱悶

麥門 茯苓 人參 甘草 知母 黃芩 防風

竹葉 水煎服

治漏胎下血

條芩五錢 白朮一兩 砂仁炒 阿膠炒成珠 各三兩

右爲末每用二錢艾湯調下

又方 四物湯加白朮茯苓阿膠續斷桑寄生杜仲甘草

艾 氣虛加人參升麻

治娠婦六七箇月胎氣上冲脹滿腹痛

大腹皮 川芎 紫蘇 當歸 芍藥 人參

陳皮 甘草 生薑

內熱加條芩 脹加枳殼去人參 腹痛加木香

東胎丸 七八箇月服之

條芩 酒炒夏一兩春秋七錢半冬五錢 白朮 二兩 茯苓 七錢五分 陳皮 一兩

末爲末粥丸空心白湯下五十九

連生散 八九箇月宜服七八帖

白朮 茯苓 當歸 川芎 大腹皮 紫蘇根

甘草 條芩 枳殼 砂仁

方

枳殼 香附 甘草 川芎 當歸 蘇葉 腹皮

水煎服九月尾十月頭先服一二帖尤妙

催生方

川芎 當歸 紅花 白芷 赤芍藥 炮薑

青皮 水煎服

又方

秋葵子 車前子 白芷 枳殼 紅花 水煎服

又益母丸 方見後

產難

娠婦以血為本。氣順則血和。胎安則產順。若過於安逸。血凝滯。胎不轉運。則產難矣。或八九箇月內。不謹房事。使精血聚於胞中。而產難。或厚味奉養。氣實胞肥者。當用瘦胎飲。否則有難產之患。故胎前宜順氣養血。保護可無患也。

兔腦丸 治難產

兔腦十二月取去膜研如泥 乳香研 母丁香研各一錢 射香一

共和勻兔腦丸如雞豆大。陰乾油紙密封。或蠟丸固。臨產溫水送下一丸立產。

又方 魚膠一尺新瓦射香分一同研好酒調下立產

又方 柞刺枝一握洗淨剉入甘草五水煎服

益母丸 治難產

五月五日午時順手拔取來陰乾用葉為末煉蜜丸如彈子大難產酒化一丸服亦可

逆產橫生

婦人右腳小指尖上灸三壯立產其艾壯如小麥大

治產難胎衣不下

卑麻子 七粒 巴豆 三粒

右研如泥加射香少許作餅貼臍下胎下即揭去

胞漿水早行胎澁不下

猪肝 六兩 白蜜 三兩

右好酒三碗水二碗同煎至一碗分作三次服即生

胎衣不下

牛膝 當歸尾 木通 滑石 秋葵子 各三錢

水煎連三服

又方 牛膝三兩水煎調朴硝二錢服

下死胎

射香五分 官桂三錢 秋葵子二錢花亦可

右為末溫酒調下三錢即下

又方 朴硝五錢 爲末白滾湯下

(Faint bleed-through text from the reverse side of the page)

產後

產後氣血已虛不宜施汗吐下及攻擊之劑故曰產後不得虛也。惟當大補氣血。雖有他症以未治之。兼補兼治也如脾胃素弱忌食生冷乾硬難化之物。新產當先理惡血不盡不可用寒劑。蓋血得冷則凝。然產後有發熱腹痛等症者皆由惡露不盡也。加味芎歸湯主之。

加味芎歸湯 治產後惡露不盡頭疼發熱腹痛

- 川芎 當歸 益母草 炮薑 紅花 桃仁
- 丹參 山查 荆芥 茯苓 澤蘭 水煎服

芎歸湯 治血暈

川芎一兩 當歸二兩 益母草二兩 水酒煎服腹痛加桂
清魂散 治血暈

澤蘭一兩 荆芥一兩 川芎五錢 人參二錢五分 甘草一錢 水酒煎服
參歸湯

人參二錢 阿膠二錢 荆芥穗二錢

水煎臨服加童便半酒盞服三四劑若血脫用人參一兩

當歸五錢 阿膠三錢 炮薑二錢 艾二錢 荆芥穗炒二錢 水煎服

產後血暈不醒

韭菜一把 細切入有嘴甌中熱醋沃入甌內包甌口把甌

嘴向產婦鼻中薰之立甦用回生丹

瘀血攻心悶絕

黑煤重四兩 一塊 炭上燒紅投好酒一碗內去煤名霹靂酒

飲之即甦

瘀血不絕血塊作痛

當歸 五靈脂 血竭 川芎 莪朮 等分

右為末醋糊丸如小豆大好酒送下三錢

養血怯風化痰丸 治婦人產後血虛為風所侵頭痛久

不止

竹節白附子 僵蚕 當歸各一兩 烏藥 熟地各二

全蝎洗去土 焙 芍藥 甘菊 檳榔 細辛各七錢

右爲末麵糊丸如菉豆大每服三錢食遠好酒下
產後傷食飽悶發熱

陳皮 厚朴 茯苓 山查 神麩 香附 枳實

砂仁 甘草 水煎服

回生丹 治難產胞衣不下產後諸症神効

當歸 生地 赤芍藥 川芎 香附醋浸 玄胡索

桃仁去皮尖 蒲黃炒 烏藥各一兩 三稜醋炒 五靈脂醋制

陳皮 羌活各五錢 續斷五錢 青皮 白朮 人參 茯苓

苓各三錢 甘草三錢 木香 乳香 沒藥各一錢五分 共爲末

大黃一斤馬末 蘇木三兩敲碎用水五碗煎三碗去渣留汁 紅花三兩炒片好酒五碗

煎三碗去渣留汁 黑豆三升水煮熟取汁三碗

先將大黃末下鍋內着好米醋四碗攪勻熬成膏次下

前汁再攪熬成膏與前藥末和爲丸如彈子大每用一

丸酒頓化服如產後無乳用天花當歸穿山甲各五分 爲

末同入酒內頓化服令揉乳千餘手其乳卽出如湧泉

乳汁不通

通草二兩 猪懸蹄一副 川芎二兩 甘草一錢 穿山甲十四片炒爲末

水煮熟喫猪蹄及汁外以葱湯洗乳頻揉

又煎藥方

天花粉 通草 赤芍 木通 瞿麥 青皮

白芷 連翹 甘草 柴胡 桔梗 穿山甲
水煎服以手摩乳房吮吸之

治乳少 漏蘆二錢 濃煎調鍾乳粉二錢 服

無見喫乳脹痛 麥芽末每用三錢白湯下

治乳癰 廣膠五錢 剉炒成珠為末好酒調下

貼乳癰

南星 白芷 皂角 半夏 殭蚕 草烏

等分為末葱汁調塗外以綿紙封之絹縛緊日易二次

又山藥搗貼亦妙

小產墮胎

皆由氣血虛損不能榮養胎元如枝枯則葉落藤萎則花
墜或七情太甚內火發動猶火能銷物而墮也或過傷饑
飽勞役動胎而墮或過於房事觸動其胎而墮或勞力跌
蹶閃挫傷動其胎而墮然小產重於大產大產如瓜熟自
落小產如採生瓜斷其根蒂非自然者蓋胎臟損傷胞繫
腐爛然後胎墮治宜補虛生肌肉養臟氣生新血去瘀血
為主或素有墮胎之患者宜按法治之否則至期亦墮也
芎歸湯 治小產後腹痛

川芎 當歸 玄胡索 桃仁 紅花 香附

澤蘭 山查 水煎服

治氣不固欲墮

四物加白朮條芩砂仁阿膠香附粘米水煎服
小產後去血過多昏憤

人參 當歸 阿膠 荆芥 炮薑 艾葉水煎服
保胎丸 累墮胎久不育者服之保胎不墮

白朮 四兩 條芩 當歸 人參 杜仲 各二兩 續斷 一兩

陳皮 香附 各一兩 熟地黄 三兩

糯米糊丸如菉豆大每服七十九空心白湯下

治乳癰方

青皮 甘草節 瓜蒌仁 穿山甲 當歸 沒藥

各一錢 金銀花 皂角刺 青橘葉 各三錢

酒水各半煎服 又方用蒲公英金銀花水煎入酒佐
空心服亦妙

乳癰乳梗乳岩 紅腫而高大者為乳癰。淺者為乳梗。深
而中凹者為乳岩。蓋乳房胃經所行之處。乳頭肝經所
屬。皆因忿怒所逆。鬱悶所遏。厚味所釀。以致肝氣不行。
故竅閉不通。胃經之血騰沸。故熱甚而化膿也。或小兒
含乳而臥。口氣熾熱所吹。而為外吹。前方為主。孕婦乳
梗而為內吹。前方加安胎藥為主。已破用人參黃芪甘

草節當歸川芎芍藥青皮瓜萸仁連翹金銀花皂角刺
孕婦加白朮條芩蘇梗砂仁安胎為主

消毒飲 治乳癰初起立退

樺皮

一兩取川椒
包內者剉

用白酒一碗半煎五分溫服其渣再用青橘葉半夏加
好醋同搗如泥塗患處外以綿紙封之以絹縛之立退

醫便續集卷四

外科雜方

遇經驗者隨即收錄不分門類

遇仙膏 治無名腫毒癰疽發背痞塊瘡瘍等症

當歸

白芷

各四兩

兩頭尖

即白附四兩

穿山甲

廿五大片

巴豆

研

卑麻子

各一百廿粒研

土木別

二十一箇去殼

藤油

一斤

黃丹

十兩水飛炒

香 沒藥

輕粉

血蝎

射香

各四錢

右兩頭尖等俱

剉入香油一斤內浸春五夏三秋七冬十日入鍋內熬
白芷焦色將鍋取下溫冷用生絹濾去渣再文武火熬
下黃丹片桃柳枝不住手攪滴水不散不老不嫩入松
香五兩攪勻取鍋下冷乃下輕粉射香血蝎乳香沒藥

攪勻用水一桶將藥傾下水中一日換水一次浸七週
時去火力用時以滾水化開攤貼用火烘手熨膏藥上
一百餘手出汗妙若痢疾及二便秘貼臍中咳喘貼肺俞穴

拔毒膏 呼膿長肉

早麻子肉一兩 銅青一兩 大薊汁一兩 松香一斤
研爛 同 碗 過濾淨

豆油春夏三兩 秋冬四兩 先將油煎滾下松香溶盡下大薊汁

沸水盡下水缸內如絞糖法入早麻銅青絞勻以器盛
之如用夾湯煮化攤貼

火線膏 治諸般腫毒初起三四日內一點即退

大當歸 赤芍藥 三稜 蓬朮各一兩俱燒灰存性 巴豆十二粒以

針刺燈上燒烟盡為度 早麻子肉十五粒研爛 乳香三錢 沒藥二錢 射香三錢

蟬酥五分 血竭二錢 右為末先將黃蠟二兩溶化入歸芍稜

朮巴甲用柳枝攪勻取出離火下乳香沒藥射酥蠟攪
勻撚作長條如筋大長三寸重一錢臨用燈火上燒點

焯毒上周圍四五十點再用煎藥消之

冰梅丸 治喉痺

南星一十二筒切片 半夏二十四筒切片 明礬 防風 皂角各二兩 桔

梗一兩 食鹽 朴硝各一兩

揀半熟梅子大者五十箇先將硝鹽水浸一週時然後
將各藥研勻拌和梅子置水中其水過梅子三指為度

浸七日取出曬乾又浸又曬汁盡為度將梅子入瓶密封若用時以綿裹梅噙在口令津液嚥下痰出即愈
鼠黏子散 治風熱上壅咽喉腫痛

牛旁子 玄參 桔梗 升麻 犀角磨水 天花粉

黃芩 木通 甘草 水煎服 如服涼藥不効乃中氣不足虛火汎上無制用附子理中湯

治牙疼神効方

冰片一分 章冰 蟾酥各三分

右為末密藏磁罐內以簪頭蘸藥點入疼處

治小兒胎毒發癩丹

小青葉 水萍 犀角 雄黃 菘豆 生地黄

當歸尾 金銀花 地龍 牛旁子 水煎服

銀膏 治肥疥瘡

水銀 雄黃 枯礬 川椒各三錢 輕粉二錢 苦參二錢 蘆

茸石二錢 蛇床子二錢 大風子肉五十箇 為末以燭油調先以

金銀花苦參防風荆芥當歸尾煎湯洗次以藥擦之

薰筒 治風濕疥癬

蒼朮五錢 荆芥 防風各一兩 雄黃五錢 川椒三錢 章腦一錢

蛇床子五錢 土木別肉五錢

右為末以艾先鋪粗紙上以藥末四錢勻擦捲作筒先

以煎湯浴之次以燃火燻之取燒過藥存性擦之立効
又疥瘡藥

信五錢硫黃四兩朴硝二兩小麥一升同炒焦色爲末擦之

四黃散 治頭上瘡

黃連 黃檗 黃芩 大黃 滑石各五錢 五倍子二錢五分

右爲末以清油調搽患處

專治肥疥瘡

威靈仙 石菖蒲 苦參 胡麻各四兩 何首烏四兩

甘草二兩右剉用好酒十觔浸藥春夏二日秋冬四日夾

瓶煮一時候冷漸服

擦牙散

羌活二錢五分升麻一兩羊脛骨炙旱蓮草各五錢防風三錢細

辛二錢青鹽五錢龍膽草四錢當歸一兩爲末每日清晨擦

又方青鹽四兩旱蓮草汁一槐角子五錢川椒去核五錢用

煎乾一宿碎骨補五錢白芷五錢細辛三錢葶撥五錢

右爲末石膏六兩半生半熟爲末拌勻瓦器下積柴灰

以粗紙蓋之置藥在上任用擦牙嚙下亦可

治口舌生瘡

黃連 黃栢各三錢硼砂二錢人中白四錢青黛一錢枯礬五分

右爲末先以濕布攪去瘡上白屑以藥敷之

千金散 專點內外痔瘡枯藥

白礬 三兩

赤色信

一兩 研細

先將信置鍋底攤如餅大次

用礬末蓋之火煨乾取出再以猛火煨紅取出加辰砂

一錢乳香沒藥各一錢共為末用唾津調稀塗痔上以

紙封之日上二次至五日止藥七日自潰脫以生肌散

敷之又藥條即此藥麵糊為之插入管內更用手法

痔漏藥線

用絲綿各半為線取秋露水芫花自然銅共煮乾為度

洗藥 苦參 當歸 荆芥 瓦花 鳳尾草 食鹽

地骨皮 煎湯燻洗次以花蛛散敷之

內痔脫落腸頭不收

密陀僧 枯礬 海螵蛸 黃蘗末 百藥煎 冰片

少許 輕粉 各等分

為末香油調塗以綿紙封之日換二次

紙丁眼藥 治風沿爛眼目赤

用煨蘆葭石

一兩 一兩 一兩 一兩

一兩 一兩

一兩 一兩

一兩 一兩

一兩 一兩

一兩 一兩

右為末以方圓紙裁成一寸闊二寸半長將藥抄分半

許放紙中間撚緊打一結以水三四匙放盞內浸半刻

水轉黃色就將此藥包撐開眼皮拖在珠上再停片時

再拖一日四五次其病即愈

煨蘆葭石法

蘆葭石半斤盛在果罩內外以紙筋泥

打一團毬晒乾再將鉄絲十字花結在外以炭火藏毬
在內煨至通紅以童便浸之取出再如此七次爲止
赤眼洗藥

當歸尾 黃連 防風 皮硝 銅青 明礬

水煎頻洗

吹鼻藥 治赤眼

驚不食草 二錢 白芷 四分 川芎 六分 細辛 三分 藁本 三分 羌活 六分

當歸 六分 麻黃 六分 右爲末左眼赤吹右鼻反此

眼胞赤腫

萊服子 苧根 大黃 右青鹽搗爛圍目胞上

治鼻痔

葦撥 五分 雄黃 一錢 白芷 一錢 白梅 各一錢 艾 各一錢 冰片 二分

右爲末將白梅肉丸如蚕豆大以綿臙脂裹塞鼻內其
痔自消又將一丸噙化

風濕氣膏 兼治跌打損傷

川烏 一兩 草烏 一兩 當歸 二兩 紅花 官桂 白芷 赤芍

藥 桃仁 防風 補骨脂 穿山甲 羌活 各一兩

右剉用麻油二斤入前藥煎枯以布絞去渣取油另煎
滴水成珠爲度聽用 又用松香十觔煎銷以夏布濾
下流於水內又沸去水取出松香又將葱薑汁各一碗

燒酒一觔入松香內和勻略煎過方入前油慢火熬成膏

住火加乳香沒藥各一兩阿魏一兩射香一錢和勻攤用

風濕氣痛煮酒方

眼菱頭根 悶子根 烏稍蛇草根 開陽花根

風藤 野薔薇根 五加皮各一把每用好白酒一斗

米入藥在內以箬包瓶口煮熟空心熱服

鵝掌風

用銅青一兩研細以好醋調染扁栢葉陰乾先用皮硝湯洗手自乾又以桐油抹手用炭火漸將栢葉置火上薰手黃色為度即愈

楊梅瘡 初起用此藥表利永無結毒之患

大黃 川芎 威靈仙 麻黃 蟬蛻各一兩

用羊腸五碗煎至二碗查再煎一碗作三次服羊肉過口愚謂治梅瘡與治痘同法初起宜發散之劑毒盡透出辨虛實補瀉而兼解毒之劑若失於解散而後為結毒腫潰者有矣如過於解散而正氣虧耗漸為勞怯者有矣又不可執寒涼一定之方而謬於施治也

楊梅結毒方

白砒五錢雄黃五錢硃砂五錢水銀五錢輕粉二錢礪砂三錢大黃五錢大管仲七錢火硝一兩右為末入洋成確以鉄油盞

蓋口鹽泥封固文武火煨三炷香為度取出用上升藥
每服三釐土茯苓煎湯送下一月全愈

又方白砒四兩碎如豆大以菜豆一升煮一週時去豆再換煮木香一兩雄黃五錢

好硃砂五錢右為末粘米糊丸如麻子大每服二四九

土茯苓煎湯送下服至三錢全愈

楊梅點藥

輕粉 硃砂各一錢 冰片一分 杏仁四十粒 為末鵝膽調搽

白粉霜 專點梅瘡

水銀一兩 食鹽 明礬 火硝 汞礬各二兩 硃砂五錢

雄黃各三錢 內除水銀先將餘藥和勻漸入洋成罐內洋

盡方下水銀燉火令乾有霜頭起為度以空罐對合鹽
泥封固墜一地窟以水盆一箇置窟內以空罐放水盆
內以泥壅之只留上瓶武火煨三炷香為度取出上白
藥每用一釐冷水調點上三四日即愈

便毒方

五靈脂炒四錢 殭蚕炒四錢 穿山甲土炒四錢 大黃五錢

右為末每服三錢好酒送下即消

又方白芷 穿山甲炒 牙皂 甘草節 殭蚕各二錢 大黃

四錢 右為末用當歸四錢水酒各一碗煎半碗空心調

前藥末三錢服

下疳瘡

冰片五厘 草果灰三錢 輕粉三分 為末先以茶洗淨敷之

又方 治小便腫脹

真冰片一分五釐 大黃二錢 黃蘗二錢 輕粉一錢 血竭三分

右為末以田螺肉搗爛塗患處

治下疳

真珠三分 雄黃五分 孩兒茶五分 青黛三分 冰片五厘 紅毯子灰一錢

為末熬猪油如膏將護領絹攤貼

治疔疔

真珠二錢 雄黃一錢 硃砂一錢 冰片一分 殭蚕一錢 牙皂二錢

各為末和勻每用七釐土茯苓湯調下或以飯為丸煎湯送下一分喫乾物壓之

治懸癰 并治癰疽

大粉甘草十兩 每根劈作二片用河水二碗輪流煎炙

以水盡為度切片用小十碗煎一碗空心服盡即愈

治乳癰

瓜蒌一箇 乳香 沒藥 貝母各一錢 穿山甲三片 川木鱉一箇

判 右入瓜蒌內以重紙封之微火煨存性為末每用二

錢好酒調下

治乳癰

白芷 鼠糞各一錢 右為末好酒調服必多飲一醉睡一覺愈

立馬回疔散 治無名腫毒疔癰

蜈蚣二錢五分 雄黃三錢 射香 蟾蜍 人言 硃砂各五分

牙皂四錢 右將人言硃砂同炒共為末每用一分以煨熟

葱白搗汁包藥好酒送下盡醉汗出自愈

敗毒散

大黃三錢 炒 白芷三錢 炒 全蝎二錢 蜈蚣四條 穿山甲三錢 炒

右為末每用三錢好酒調下利下為度

鵝掌瘋

土茯苓八兩 打碎水八碗煎至五碗去查聽用

鹽三錢 川椒一把 猪胰子二兩 白粳米三把 右入砂罐內同前

汁煮粥空心乘熱食盡吃三料愈外用童便洗手以黃

紙板和常山燒烟燻手熱為度

痰核方 治小兒項間生塊

連翹 天花粉 貝母 何首烏各一錢 山梔一兩 山豆根

一兩 紫貝 天葵二兩 玄參一兩 右為末用夏枯草煎膏丸如彈

子大每用一丸薄荷湯化下

治牙疼

章冰 川椒 薄荷 各等分研末綿裹入患處立止

又只用章冰綿裹入患處愈後用濃茶半碗服之
擦牙方

旱蓮草一担洗淨搗汁三十碗加青鹽六兩 食鹽一

當歸六兩 細辛六兩 煎乾研為末清晨擦牙

治無名腫毒發背楊梅瘡

夜明砂一斤 蟬蛻二兩 百草霜一兩 噴過雞子殼連衣一

兩 右為末用饅頭去餡研勻為丸如乾加米飲研之丸

如桐子大每用三錢空心好酒送下 一日可服二三次

毒初發即消成膿即潰

治內外癩瘡

龍骨五分 黃丹三分 黃蠟五分 桐油一兩 先以桐油煎沸

下臘溶下前二味勻即投水中取出碗合濕地上做夾

紙膏貼之

治爛腿瘡

乳沒各一錢 射香一分 血竭五分 銅青五分 松香三兩 各藥合成入

剝淨草蓆子肉三百粒搗成膏磁器收之以油紙做膏

藥貼之要一氣打成忌見鐵

四製黃芩丸 治赤鼻面上酒瘡酒齧

枯黃芩六兩 炮 足稱四分作四貯 荆芥穗四兩 薄荷葉

四 牡丹皮八錢 鬱金五錢 右剝各用水一碗煎半碗去渣四

起浸芩二日夜有汁不乾或煮或晒合爲一處晒乾爲末以葛粉二兩煎湯打糊丸如菜豆大食後清茶送下一錢服盡愈

治腦漏

用紫背浮萍爲末鋪紙上捲作筒火點熏鼻內口內

治赤鼻

白礬 硫黃 乳香 黃連 輕粉 各等分

右爲末抓破擦之

治耳聾

葷蒜子肉 杏仁 去皮 松香 各五錢 食鹽 巴豆 去心膜不去油

乳香

各二錢五分

黃蠟

五錢

共搗如膏捻作棗核樣以蜜蠟薄

捲之以大針劄二三眼子兩頭透用塞耳內一夜黃水出愈

又方 蝎尾

七枚 焙

淡豉

二十二粒 焙乾

巴豆

七粒 去膜 不去油

右先研蝎

尾淡豉令細另研巴豆成膏同研勻捏如小棗核狀用葱白小頭取孔以藥一粒置在內用薄綿裹定臨臥時置耳中一夜取出如未通再用以通爲度

又方 用雞子一箇開一孔將巴豆一粒去心膜納入雞子內以紙兩重麪糊貼蓋與雞抱以其餘雞子出雛爲度取汁滴耳中日二次

治耳中出膿

枯礬 海飄硝 黃連 龍骨煨各等分 右為末以綿裹一
七如棗核大塞耳中日三易

治口瘡

黃連 朴硝 白礬 薄荷葉各等分 右為末用臘月牛
膽將藥入膽內風處掛兩月如用取藥研細吹入口內
又方 冰片少許 黃栢 硼砂煨 薄荷葉各等分 右為末生蜜
丸如圓眼大每用一丸津液化下

治口舌生瘡糜爛

膽星 黃連各五錢 牛黃一錢 歸身 甘草 硃砂以土各二錢五

分右為末湯浸蒸餅丸如棗豆大每用五十九臨臥時
唾津嚥下

治牙疼

用五倍子大者不拘多少裝食鹽在內鋪鍋內大火燒
存性為末擦之

牙疼塞耳方

巴豆一粒煨黃熟去殼用蒜一郎切一頭作蓋剝去心
入巴豆其中以蓋合之用綿裹隨患左右塞耳中

蛀牙疼

用不蛀皂角一定去子弦於子處各安巴豆一粒鹽泥

固濟燒灰研末每用空耳抄少許填入蛀牙孔內
牙疼

石羔

一兩

十粒以針扞燈火上燒存性

章水

一錢

蜂巢

一具燒存性

右爲末糊丸如菉豆大每用一九綿裹置疼處

治小兒痘瘡入眼半年內者服一月愈

猪懸蹄甲

二兩煨存性

蟬蛻

一兩爲末

羯羊肝

焙乾末二錢五分

右和勻

三歲一錢六歲二錢猪肝湯調服食後一日四服

雷火針 治諸般腫毒風寒濕氣

射香

二分

乳香

沒藥

木香

丁香

各一錢

右爲末以熟

艾一兩分三處以藥鋪上捲作筒火燃夾紙焯患處許

久即愈

治下部痠痛神方

枸杞子

天麻

各三錢

木通

三錢

牛膝

白蘚皮

黃柏

當歸

各二錢

紅花

五加皮

各一錢五分

庚戌秋余患大腿上下骨節內痠痛不能轉動咸謂陰虛用六味地黄丸料加當歸枸杞牛膝杜仲不效服順氣丸又不效自謂不起忽一道人來曰此勞傷腎氣當泄不泄淫火留滯經絡所致遂索筆傳方服之果一劑痛止再劑行步如常遇有前病者即以此方治之效亦如嚮 余用前方增十倍分兩加虎頸骨二兩鑑片好

酒炙脆共爲細末煉蜜丸如桐子大每服三錢空心淡
鹽湯送下更效

